



www.BibleForChildren.org



João 14




Kỹ tóg ag mỹ: “krĩ kufy han tũg nĩ,” he mũ gé. “Inh ki rã há han nĩ, kỹ Topẽ ki rã há han nĩ gé. Inh panh jamã tá ãjag ãn vỹ e nỹtĩ, ki hã sóg tó mũ. Ti tỹ tá tũ nỹtĩ ra sóg tónh ke tũ nĩ vẽ. Ra tĩg jé sóg ke mũ, isỹ ãjag mỹ ãjag ãn kãnkãn jé. Isỹ kãnkãn kar kỹ sóg tá kãtĩg mãn ke mũ gé, sỹ ãjag tatĩn tĩg jé, kỹ ãjag tóg inh mré tá nỹtĩnh mũ.”




Ãjag mré ke vỹ tỹ inh nĩ, inh, hã vỹ: João, he mũ.
Jesus mré ke vỹ tỹ inh nĩ. Jagtar inh nĩ gé, ãjag
jagtar ri ke. Hã ra sóg ãjag kóm to krónh

ke tũ nĩgtĩ gé.




Kỹ sóg ãjag mré Topẽ tỹ tỹ ãg pã'i nĩ venh ke mũ
gé. Goj vãso kã inh nĩ nĩ, ti jijin hã vỹ: Patmos,
he mũ. Kã sóg se kỹ nĩ nĩ, isỹ Topẽ


vĩ tó ja tugrĩn.



Kỹ vẫhã Topẽ kuprĩg tóg inh krĩn mũ. Kỹ sóg nén nẽ
vэг mũ. Kanhkã tá tóg nĩgja sĩnvĩ kri nĩ nĩ.




Kỹ vāhā kanhkā tăn kar ag vỹ jănjăn mũ, jamā há ra,
ẽprā ke kar ag ke gé, vẽn kúpřĩg kar ag ke gé,
goj ki ke kar ag ke gé. Kỹ ag tóg:
“ũ tỹ nĩgja sĩnvĩ kri nĩ ẽn mỹ ẽg
tóg vĩ há han ke mũ ha, cordeiro
ẽn mỹ ke gé,” he mũ. “Ag pir mỹ
ag tóg tỹ ũn mág
nỹtĩ. Vẽn kar
kri ke vỹ tỹ ag
nỹtĩ. Kỹ ag tóg
tũ' henh ke tũ
pẽ nĩ,” he ag
tóg mũ sir,
vẽn kar
pẽ ẽn ag.




Kỹ sóg Topẽ jamã tag, Jerusalém tãg tag vэг mũ gé.
Kanhkã tá tóg kãtére mũ, Topẽ tá. Êmã sĩnvĩ han ja ag
tóg nĩgtĩ. Kỹ tóg tỹ ag tỹ tá vєnh prũg to fénhta han ke nĩ
ve nĩ. Êmã sĩnvĩ tóg ũ prũnh ke fi sĩnvĩ ri ke nĩ, fi tỹ fi
mén ke ti jãvãnh kỹ. Nĩgja kupri ên tá vєnh vĩ tóg mẽ há
tĩ, kỹ tóg:

“Topẽ tỹ êprã
ke ag mré êmãn
hã vє,” he mũ.


“Ag mré tóg nĩ nĩ ha.
Ti tũ vỹ tỹ ag nỹtĩnh
ke mũ ha. Topẽ vỹ ag
mré nĩnh mũ ha, kỹ tóg
tỹ ag Topẽ nĩ sir.”



Kỹ Topẽ tỹ jẽnẽ jafã tóg inh mỹ goj mág ven mũ. Goj ẽn
vỹ ẽg rĩnrĩr han tĩ. Kómkóm ke ti tĩ, pó kupri fĩn ẽváj tỹ
kómkóm ke ẽn ri ke. Goj ẽn nĩhỹg vỹ Topẽ nĩgja tá nĩ,
cordeiro nĩgja ẽn tá.



Kỹ rã tóg tá tũ nĩ gé, kysã ke gé. Topẽ tỹ jẽngrẽ vỹ ki
kurã han tĩ. Kỹ tóg tá kutyg vãnĩ nĩ sir. Cordeiro ẽn vỹ
ẽmã ẽn tá rã ri ke nĩ.



Hã ra nén ã kórég vỹ kãrãnh ke tũ pẽ nĩ. Õ tỹ vễjykre
pãno han mũ ag vỹ ra genh ke tũ nĩ, ãn ón mũ ag ke gé.
Õn jygi tỹ livro ki ránrán
kỹ nỹtĩ ẽn ag hã vỹ ra
genh ke mũ. Õ tỹ rĩr
krỹg ja tũ vég mũ ẽn
ag jygi vỹ ránrán
kỹ nỹtĩ, Cordeiro
livro ẽn ki.




“Hã ra nén ã kórég vỹ kãrãnh ke
tũ pẽ nĩ. Û tỹ vễykre pãno han
mũ ag vỹ ra genh ke tũ nĩ, ãn ón
mũ ag ke gé. Ûn jygi tỹ livro ki
ránrán kỹ nỹtĩ ẽn ag hã vỹ ra
genh ke mũ. Û tỹ rĩr krỹg ja tũ
vэг mũ ẽn ag jygi vỹ ránrán kỹ
nỹtĩ, cordeiro livro ẽn ki.”




Topẽ tỹ nẽn ã to jũ vỹ tá nĩnh ke tũ pẽ nĩ, ẽmã ẽn tá.
Topẽ nĩgja vỹ ẽmã ẽn tá nĩ nĩ, cordeiro nĩgja ẽn ti. Kỹ
vẽnh kar vỹ ti to: “Topẽ vẽ,” henh ke mũ, Topẽ rãnhrãj
han tĩ ag kar. Topẽ ve jé ag tóg ke mũ. Kỹ ti jiji vỹ ag
kakã ki rán kỹ nĩnh mũ.



Kỹ sóg vëser kar vigvæg mũ, ùn mág ag, ùn kāsir ag ke
gé. Nĩgja kupri ěn jo ag tóg nỹtĩ. Kỹ livro vỹ tá nỹtĩ gé.
Livro ěn kygvãg ag tóg mũ. Vẽnħ kar jykre vỹ ki ránrán
kỹ nỹtĩ. Kỹ livro ù vỹ tá nĩ gé. Ěn kavãg ag tóg mũ gé. Û
tỹ rĩr krỹg ja tũ venħ ke mũ ag jygi vỹ ki ránrán kỹ nỹtĩ.
Kỹ Topẽ tóg ùn kãgter mũ kar jykre
tugnỹm ke mũ. Kỹ tóg ag mỹ ag tỹ
nén venħ ke mũ ti tónħ ke mũ.
Ag tỹ ag jykre tỹ livro
ki ránrán kỹ nỹtĩ ěn
kajãm kãn ke vẽ. Kỹ ùn
jygi tỹ Topẽ livro ki
ránrán kỹ nỹtĩ tũ ěn ag
vỹ pĩ gru fir ěn kã ki
vár kãn ke mũ.



Kỹ Topẽ kuprĩg vỹ Jesus mỹ: “kur kãtĩg,” he mũ. Û tỹ ti
ki ge kỹ nỹtĩ kar ag vỹ ti mỹ: “kur kãtĩg,” he tĩ gé, ag tỹ tỹ
ti prũnh ke fi ri ke nỹtĩn kỹ. Kỹ Jesus tóg: “ũ tỹ goj kron
sór mũ ẽn jé iso kãtĩg,” he mũ, “sỹ ti mỹ goj jun jé,
fagrĩnh mỹ. Goj ẽn vỹ ti rĩr han ke mũ, ha vem nĩ,”
he tóg.



Topẽ vỹ ga kri mũ ag to há nĩ. Hã kỹ
tóg ti kósin pir fẽg, vẽn kar tỹ ti ki ge
jé, ăjag tỹ tũ' he tũ nĩ jé, ăjag tỹ ẽg
rĩr krỹg ja tũ ẽn ve jé.



Roma 3:23

Topẽ vĩ mranh kãn ãg. Vẽjykre kuryj han ki kagtĩg ãg nỹtĩ.

Roma 6:23

Topẽ vĩ mranh tugrĩn ãg nũgme ki vár ke mũ vẽ. Topẽ tỹ ãg vóg kónãn hã vẽ. Hã ra tóg ãg jagãgtãn mũ. Kỹ tóg ãg mỹ rĩr krỹg ja tũ ven ke mũ. Ti tỹ ãg mỹ presente han hã vẽ, hã vỹ: ãg tỹ ãg rĩr krỹg ja tũ venh ke, he mũ, ãg Senhor tỹ Jesus Cristo tugnĩn.

Hebreu 9:27

Ëprã ke ag vỹ ter pir han tĩ gé. Ëg ter kar kỹ Topẽ vỹ, ãg jykre tugnỹm ke mũ.



Éfeso 2:8,9

Ha vé, ti tỹ ẽg jagãgtãn kỹ tóg ẽg kren han ja nĩgtĩ, ẽg tỹ ti ki ge kỹ nỹtĩn kỹ. Ẽg tỹ vėsóg ki vẽn kren han pijé'. Topẽ tỹ ẽg kren han ja vẽ mỹr. Kỹ tóg ti tỹ ẽg mỹ presente han ri ke nĩ. Ẽg vāsãn pijé'. Ẽg tỹ ẽg vāsãn to kren ra ẽg Topẽ mỹ: “há inh nĩ, vāsãn ja inh nĩ, hã kỹ sóg kren mũ,” henh mũ vẽ. Hã ra ẽg pijé, ẽg vāsãn to kren ke mũ'.
Ti tỹ ẽg jagãgtãn vẽ mỹr.

Roma 10:9,10

Ẽg krenkren jé ẽg tóg Jesus to: “ẽg Senhor vỹ tỹ ti nĩ,” henh ke mũ. Kỹ ẽg tóg ẽg fe tỹ ti ki rãnh ke mũ gé. Topẽ tỹ ti ter kar kỹ ti rĩn mãn ja tag kri ẽg nĩm ke mũ. Kỹ ẽg tóg kri fi kỹ krenkren ke mũ sir. Ẽg tỹ ẽg fe tỹ ti ki rã kỹ ẽg tóg ti mỹ há nỹtĩ. Ẽg tỹ vẽn kar mỹ ti kãmén kỹ ẽg krenkren ke mũ sir.



João 3:16,17

Topẽ vỹ ga kri mũ ag to há nĩ. Hã kỹ tóg ti kósin pir fẽg, vẽn kar tỹ ti ki ge jé, ãjag tỹ tũ' he tũ nĩ jé, ãjag tỹ ẽg rĩr krỹg ja tũ ẽn ve jé. Topẽ vỹ ti kósin jẽnẽ, ti tỹ ãjag krenkren han jé, ẽprã ke kar. Ti pijé isỹ ãjag vóg kónãn jé inh jẽnẽ',” he tóg.

1 João 5:11-13

Tag tó ti tĩ, Topẽ ti, ha mẽ. “Ãjag tỹ rĩr krỹg ja tũ venh ke ẽn han jé sóg ke mũ. Inh kósin ter ja to ãjag tóg rĩr krỹg ja tũ ẽn venh ke mũ,” he tóg. Ẽg tỹ ti kósin ki ge kỹ ẽg tóg ẽg rĩr krỹg ja tũ venh ke mũ. Ẽg tỹ jãvo ti ki ge tũ nĩn kỹ ẽg tóg rĩr krỹg ja tũ ẽn venh ke tũ nĩ. ãjag hã ne Topẽ kósin ki ge kỹ nỹtĩ. Kỹ ãjag tóg ẽg rĩr krỹg ja tũ venh ke mũ. Sỹ tag tó sór vẽ, ãjag mẽ. Hã kỹ sóg rán mũ.



João 14; 2 Corinto 5; Nén Venh Ke 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Kaingang NT (kgp) © 2005, Wycliffe Bible Translators, Inc.
in partnership with Sociedade Bíblica do Brasil
and Missão de Cristianismo Decidido

<https://www.bible.com/bible/629/MAT.1.KGP>

©2026 Bible for Children, Inc.

www.M1914.org

www.bibleforchildren.org

